

團體辦「童創 GOAL 峰計劃」

家長親子訓練突破學障



要教育學習發展較慢的年幼子女，家長或心急如焚，或徬徨無助，或感難以接受。基督教香港崇真會安康幼兒學校舉辦「童創 GOAL 峰計劃」，透過親子訓練小組，加強小朋友學習能力之餘，更協助旁觀的家長了解子女需要，學習彼此相處技巧，建立良好關係。

記者：李錦欣



■ 導師陳姑娘（右）與小朋友玩遊戲，訓練他們的專注力和合作性。

該校李校長坦言：「好多家長都唔願意接受小朋友有學習障礙，或者接受但唔識點處理。」學校希望藉親子訓練班，鼓勵家長踏出第一步，了解子女的學習情況。李校長強調：「訓練班必須要家長一齊參加，因為要互相配合去幫小朋友。」

「佢成個人唔同咗咁」

訓練班共六堂，家長獲安排坐在課室後方，由導師陳姑娘帶領小朋友玩遊戲，從中教導他們與人溝通、合作，以及控制情緒，家長則可從旁「偷師」。經過數課相處後，陳姑娘會為家長提供「度身訂做」的意見。她說，部份家長對子女過份寵愛，旁觀時最多提醒如「坐好啦」、「講啦」，令小朋友增添無形壓力，窒礙成長。

3歲的鈺欣不擅與人合作和溝通，有語言障礙，她很少開口說話，自信心低落。其母親坦言十分心急，且感到非常氣餒，大嘆：「真係唔識點教，以前成日逼佢講嘢。」鈺欣現時不但主動與其他小朋友溝通，有時更會大開金口高唱《太陽伯伯》。鈺

欣母親笑說：「佢好似成個人都唔同咗咁！」

比同齡小朋友發展慢 11 個月的帕祖（4 歲），每星期由媽媽陪返訓練班。帕祖媽媽憶述：「佢（帕祖）講嘢好叻，但好有記性，教咗好多次 ABC 都記唔住，好勞氣。」帕祖曾參加其他訓練班，但成效不彰，「佢去到個陌生環境就好驚」。帕祖媽媽笑說：「呢度熟口熟面有安全感，同埋出面嘅課程又貴，所以個訓練班好幫到我哋，啱家帕祖都乖咗好多。」

另一男童海偉（3 歲）的爸爸早知囡囡有語言障礙，苦無對策，「上網搵過好多資料，但唔係個個小朋友都適用」。他讚道：「陳姑娘會親身示範畀我哋睇，容易掌握，又有針對性，喺屋企都可以玩番啲遊戲！」

校長及家長均表示十分感謝蘋果日報慈善基金撥款 21,400 元舉辦是次計劃，為學障兒童及家長提供支援。

「社福機構專戶」捐款編號：S0006
網上捐款：<http://charity.appledaily.com.hk/donate>